



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn


**Ein kurtz Christenlich vnterricht des grossen jrrthumbs/  
so im heiligthüm zů eren gehalten/ das dan nach  
gemainem gebrauch der abgoetterey gantz gleich ist**

**Strauß, Jakob**


**[Erfurt], 1523**

**VD16 S 9488**

**urn:nbn:de:hbz:466:1-32259**



JK 5975



ERZBISCHÖFL.  
AKADEMISCHE  
BIBLIOTHEK  
LEOSTR. 21  
PADERBORN

M Luther. Jungfrauen mögen Kloster verlassen 1523

Zwingli. Anweisung mit den Zünften 1523

Hans Sachs über die Anzahl. Mündel der  
Lutherischen, 1524

Luther wider die unene Abzucht zu Meissen 24

Jac Strauß gegen Anweisung der Geiligen 23.

Dies hat zwe Puren gemacht. —

Luther an die Lutherschen aller Neuheit, aus der  
Bibelau anweisung 24

Fürst E. Altes Gesez auf dem Reichstag  
1524 v. Hans Beckler

zwei Trudfornen

Luther an die Einischkinder aller neu,  
besten Briefe. 21.

Dem Anweisung dem Melchior

der Clarus in der Luzern

Joh. Mikluff u. Geil,  
Luther der Geiligen Einisch.



Luther ist nun aufmals in Leipzig zu sein

— " — Gottesdienst in der Gemeinde

— " — nun den Feiligen zu diening zu fupent

Streuss nun den Feiligen.

Dieckhoff der. Abhandlung, 22.

Augustinus zu Wittenberg sollen nicht. M. 17.

Herr Kettenbach, Montag der. Herbst in E. 17.

Jo. Lonicer Gmündlich.

Michel Cromer Abhandlung mit neuen Feiligen

Luther, Abh. Obmigkeit, ein wort in Leipzig 23

Ulrich v. Hutten Abh. in Abhandlung  
gegen den Feiligen. (Kant).

Pri. Johann Dieckhoff gemein  
L. 17.



Jac.

W

Simon

Lut.

— u

— u

— u


— u

— u

Ein kurtz Christenlich unterricht des  
grossen irthumbs/so im heiligthüm zu uren gehalten/das dan  
nach gemainem gebrauch der abgötterey gantz gleich ist.

D. Jacobus Straub zu Eysenach  
in Doringen Ecclesiastes. M.D. XXXij.





### J H E S U S

Nad vnd frid von gott dem vater/ vnd vnserm  
G hern Jesu Christo/ allen liebhabenden des hails  
ligē Euangelioms. Es ist vnuerborgē den glau-  
bigen in Christo/ das/ was vō got abwendet/ sol gehais-  
sen werden abgötterey. Darumb wir Teuffschenn aller  
eigentlichest/ die vorpreehung an der eer/ vñ anbetting  
gotis in bedeutung vñ eigentschafft vnser sprach vor-  
bringen/ als wir sagen abgötterey/ die dinge/ die abfallē  
gott an seiner eer. Nun hat der reuffel die offenbarlich  
abgötterey vnder dem schein des guttem listiglichen  
verborgē/ vnd die aller scherffst/ vñ gefelichst gottes  
enterung hainlich vñ geschwind vnder mengerley vers-  
müter/ ertichter andacht/ dem christē volck in getrungē.  
Vnder wilchen graüsamlichen versfürungen/ das nit die  
kleinist ist/ das man ohn allenn grundt der geschriff/  
dz hailgthum genant/ so in grosser gezird/ eer/ erbietung/  
vnd auffmerckung gehalten. Darumb ich auß pitt viel  
fromer christēlicher leut die selbig groß irrüng zū versch-  
laen/ vnd von allen christenlichen hertzen auff zūheben/  
ein klaine/ kurtze/ verstentliche/ leer/ beschreiben wil. In  
d ich mich niemāt vntherwirff/ dan allain/ wer mir mit  
liechter heller gschriff t beegenē wil. Der selb wirt auch  
mit dem vnüberwindlichē liecht des hailigen Euāges-  
lioms von mir also entpfangen/ das er mein schreit ē nit  
weiter anfechten mag. Wil hiemit mich vnd mein  
schreiben einem idem frommen christen in got  
befolen haben. Datum zū Eysennach/ am  
xxvi Martij. im XXij jar.

Des hailigen Euangelij vnd aller christen diener/  
Jacobus Strauß zū Eysennach ecclesiastes.

Ort der almechtig hat Adam/vnnd allen seinen  
G Kindern auff geladen/nach der sund in verdemü-  
tigtem elend/angst/vnd not/ jr leiplichs leben zu  
volstrecken/solang piß dz sie widerumb in die erdē/nach  
jres leibs eigentschafft/wurden eingeen/von der sie den  
Geneſ. 3. gemacht seint worden/wie Genesis stet am drittē/vnd  
das muß erfüllet werden/ob allen Adams Kindern/dz sie  
der groben erdē gleich an jrem leib gedemütigt vn̄ genid-  
dert sollē werden. Und ist hie Cain wegeruūg die an der  
gotis straff/vnd gesetz wolte eintrag thun/ aber grosse  
frucht/vn̄ nutzparfait mag pey dem glaubigē/gehörigē  
menschē/der wortē gottis erwachse/ d̄ seines leibs nach  
gelieder Cain achtung/nach auffmerckūg hat/dā allein  
vnder dem gait die zu demütigē/vn̄ sich seins leibs/vn̄  
gelieder n̄r gebraucht wie eins werckzeugs/d̄ göttlich-  
en dinsparkait/vnd so das selbig werck volbracht/wen  
leib vn̄ seel scheidē werden/hat Cain jrthumb/nach ver-  
hinderung der selen/mag sie auch nit meer helfen/ ader  
fürderen/ wo der leib hin kompt/ ader wie es jm ergee.  
Dand das christlich hertz glaubt/vnd weiß wol/das das  
zierstolich/zerstort muß werden/vn̄ gottes gesetz ein be-  
nugen gescheen/der auß seinem götlichen v̄teil den leib/  
vnd was jm zu gehört zurprechen wirt/wie Paulus sagt  
j. corin. 6. der .j. epistel zu den Corinthheern am. vj.

Auß welchem vnuberwintlich folgt am erstē/das Cain  
hailig ader freunt gotis brechtlich/ansehlich eer/vnd  
auffmerckung seinem leib nach seinem todt zu thun be-  
gert/ader verordnet hat/wie wol die hailigen altuetter  
jr eigen greber verordnet habē/auch Joseph seinē pr̄-  
dern besal/das im ausgang des Israclischē volcks auß  
Egipten/solt sein gepein auch mit gefūret werden/wie  
Gene. 50. Genesis am letztē gelesen wirdt / des grundtlichen ver-  
standt wir hernach auffschliessen wollen.

Itzt möcht leichtlichen/von ein fromen Christen wol  
erkent werden/was grosses misprauchs/vn̄ vbels wider  
gottis gepot/vn̄ dem gehorsamē willen/ aller hailigen/d̄  
teuffel hie ingefurt hat/dz so mit vn̄schätzlichem/groß-  
sen kosten/mühe/vn̄ arbeit/das hailthüm gezirdt/geert

vñ angebeten wirt/das dan in stiller verdiemütigung d̄  
glorificirug/vñ eerug allain vō got wartē sol/wie Pau.  
lagt zu den Philippē fern/am .iij. wir paitē vō hymel her  
ab vnser seligmacher Ihesum Christum/der verfleren  
wirt/den leib vnser diemütigtait/das er ehnlich werde/  
dem leibe seiner klarheit/nach d̄ wirckung do mit er k̄ā  
im auch alle ding vnderthan machen. philipp. 3.

Wie mag dan den hailigen/die in Christo piß an den  
jungsten tag seligklich rawend/wolgefallen/angenem/  
ader gedient werden/das jr gebain/ad̄ klaider mit zeit-  
licher pomp/vñ eer nach ains jden gefallē/vmbgetzogē/  
vnd gehandelt werden. Aus dem anfenglichen die erst  
groß irung/der verblendē andacht zu dem hailgthum/  
wider got/vnd seine hailigen erscheint/dan got wil/das  
mit vnserm gehörigem/vnterthanigē willen/vnser leib  
geniedert/vnder die erden/nach seinē gmainen gesetze/  
der wider erhöchung durch seinē eingebornen sonn/am  
jungsten tag peiten sal.

Wie möchte den immermer bedacht werden/das die  
hailigen/gothafftig/ader hailig weren/so sie frolockig/  
vñ willen hetten zu dem gepracht/getzird/geschray/vnd  
gedone/vber irem leib/wider die gemain ordnug gotis?  
hat inen sollen/vnd müssen der wol geordnet wil gotis/  
am hochsten gefallē in irem sterblichen leben/vñ ist hir  
in jr lebendiger glaub in crafft/vnnd wirckung gangen/  
wie können sie dan in Christo pleiben/so sie itzt gott nit  
meer im glauben/aber in warhaffter/anschawender er-  
kantis wissen/vnd versteen/iren willen/vñ gefallen vō  
got abwenden? Sie müstē in dem sal erger/vñ böser sein  
dan wir armē sunder hie auff erdē/denen die erkantis  
gottis/der alt Adam teglich vertuncklet.

Die sehe ein jder fromer Christ/was teufflicher vers-  
fürung das ist/das wir in der verkertē eer erbietung des  
hailgthums/die lieben hailigen/vñ freund gottis nach  
dem siedē altē Adam/in irem sterben hingelegt haben/  
vō newem an/sich vō got wollen abwendē. Dā was sucht  
mā anders pey dem hailthum/dā das wolgefallen d̄ hail-  
gen/das pey gotis wolgefallē nit bestehen möcht?

Ach der grossen/elenden verfürung/dz vnther dem  
namē/vñ schain d̄ lieben hälligē d̄ standt der saligkait/  
in das sundtlich wesen der verbrechung gottes willens/  
vñ gesetzes/auf falscher andacht verkeret wirt. Hirumb  
du fromer Christ/laß dz hailthum/hailthū sein/vnd fer  
dein gantz vertrauē zu dem warē/rechten hailmacher  
der Christus ist/des wort/vnd leer in deinē glaubē dich  
on all mitlung in gotis schirm setzen/vñ befestigē wirt/  
dz du nym n̄ds/wider in hymel/nach auff erdē bedarffst/  
dir wirt auch nymants mögen schaden. Wie der herz  
Joan. 10. Chrus dich vergewist/Joannis am. x. do er sagt/meine  
scheffle hören meine st̄im/vnd ich erkenn sie/vñ sie folgē  
mir nach/vnd ich gib in auch das ewig leben/es wirt sie  
auch nymants auß meiner handt zuckē. Die hörstu wol  
dz kain hailgthum/hällig/noch creatur/in Christo dich  
erhelt/aber der gehörig glaub seiner st̄im/vñ nach vols  
gens/das gibt Chrus allain/frey auß seiner gnad/vnd  
p̄armhertzigkait/in dem allain die hälligen all/vñ nit  
auß iren verdienen/geseliget seindt.

Dem nach/zum andern fürnemlich/ist pey des hailg  
thumbs falscher andacht/mit fleiß zu bedenkē/wy sich  
die aller scherffest/vnd geferlichst abgötterey/vnder d̄  
gestalt des gūten/stil/vnd haimlich/auch hie mit ein  
dringt.

Das vernim erstlich also/vnser lebēdiger/ewiger got/  
z̄c̄aigt sich selbs in der ewigen warheit vnbetrieglichen  
an/nach vetterlicher/hertzlicher lieb/vnd trew/das wir  
an alles mittel/vnd ungezweifelt all vnser vertrewen/  
hoffnung/vnd benügen/in in allain setzen sollen/der all  
vnser not/vñ elend nach vetterlicher versorg/behertzig  
j. petri. 5. ziget/wie er durch den hälligen Petrum sagt/der ersten  
epistel am funfften. Ir solt all ewer sorgfeltigkait in in  
werffen/den er sorget vor euch. Und im hundert vnd .ij.  
psal. 102. psalm stet also. Got erbarme sich vber die in fürchten/  
wie sich der yater erbarmet/vber seine kinder/dann er  
erkent vnser geprechlichkeit. Vnd Christus vnser lieber  
herz/dasselbig so geweltiglich im Quägelio insirt/Mat  
Math. 6. theiam. vj. Luce am. xj. Joannis am. xvj. Und an viele

andern enden/das wir in allen vnsern nöthen/mit got red: Luce. 11.  
den/vnd von jm begeren sollen/als das kindt mit seinem Johā. 16.  
getrewen/lieb habenden vater.

Was ist den not/ader nützt/andere mittel zū suchen/  
gottis huld zū erwerben/dā wie sich die götlich gütigkeit  
selbert fürzeugt: Nun sag mir lieber freunt/du hailig-  
thumbs knecht/ab dein hertz nit getailt sey/inn warem  
vertrauwē zū deinem parmherzigen got/das du in todte  
painen/so groß fleiß an legst/das mit gelt/vñ silber/sam-  
mit/vnd seiden/leuthen/liechtern/vnd schreyen/singen/  
vnd pfeiffen/auch mit harnasch/vñ weerb/darob hal-  
test/als ob dir des not wer/ader einige fürderung thett/  
gottis parmherzigkait/trostlicher/dā in seinem lebens-  
digen götliche wort zū erlangē/wo stet dā dein hoffnūg  
allain zū got/die weil gott der mittel kain wil haben vñ  
dir/vnd setzest got einen zū satz/in seinem versprechen:  
Wie kan den jimmermer entschuldiget werdē/die elendt  
andacht des hailgthumbs/von abgötterey/so das/das  
got allain/vñ gantz zū gehört/dem selben elendē hailg-  
thūm/zūm tail vertraut wirdt: Man mag es je nit an-  
ders glosiren/man muß in got hoffen/wie die geschriff  
anzaigt/vñ darneben all erticht mittelung lassen fallē.

Zūm dritten ligt offentlich am tag/dz in der falschen  
ertichten andacht/gottis gepot/vnnd das gantz gesetz  
geprochen wirdt/dā so alle gesetz gottis in prüderlicher  
liebe volnendet vnd erfüllt werden/wie got durch sanct  
Paulum sagt zū den Römern am .xiij. so ist leichtlich ab Roma. 15.  
zū nemen/wie verdämlich ist der groß vnshätzlich vn-  
kosten/an dz hailgthum gelegt/in kirchē pawen/klöster  
zū stifften/dem hailgtumb zū vntherhaltung/vnnd mit  
golt/silber/edelgestein/gesang/pfeiffen/orgeln/so viel  
vntzalbarlich gut zū verschwendden/vnnd des armenn  
durfftigen Christenlichen volcks/auch wirwen vñ weise  
hirin gar vergessen/das gott am aller hochsten gepoten  
hat/vnd Christenlicher lebendiger glaub in dienstpar-  
kait des nechsten in seinen nöthen/erkant wirdt. Auch  
der letzt entlich beschluß der ewigen saligkeit ader ver-  
thūnnis dar auff gesetzt ist/wie Matthei am .xxv. das Mat. 25.



der herr Christus die außewelten zu jm fordert in ewig  
saligkeit/das sie den hungrige gespeist habē/die durst-  
tigen getrenckt/den nackende beklaidt/den elenden bes-  
hauset/den franckē haimgesucht/den gefangē getröst.  
Und die verdampftē in ewig pein von jm jagt / darumb  
das sie der gleichen nit gethon habē. Ach got der grosse  
verfürug/das ainiger kost an die todten pain sol gelegt  
werden/vnd die lebentigen hirtzwischen hunger vn̄ dorst  
leidē müssen. Bedenck ein jder fromer Christ/wie viel  
guldener vnd silberer klainhait dem hailgthum bereit  
werden/da mit vil tausent haufarmer leut/witwen/vnd  
waisen/vnd elend durfftig menschen/auß gottis gepott/  
getrost solten werden. Es beweist sich an allen enden/  
das die so dem heyllosen hailgthum/jren fleiß vnd auff-  
mercken zu stellen/dürffē auff ein tzeit ein grosse summa  
gelts daran wagen/vn̄ mit freuden außgeben/vnd solten  
sie jrem nechsten mitprüder in seinen grossen nöten einn  
par gulten leihen/sie maintē es raicht in zu verterbnis.

Bedenck doch ein iglicher was vn̄schätzlichenn gute  
verschwendt wirt sanct Jacobs grab haim zu suchen/in  
hispania/Sant Peter vnd Paulus zu Rom/in der hail-  
thumbs fart geen Ach/im vmbgang zu Nurnberg/Banz-  
berg/Weidpurg/zū sant Annēperg/auch pey meinē liebē  
prüdern / vn̄ freunden zu hall im jntal/ so gotis gepott  
solt gehalten werdē/wie vil tausent armer nötiger mēs-  
schen wurden hie mit erfrewt vnd vnterhalten. Ab das  
nit von got abwend/vn̄ seinem gepott/auch ein jder ein-  
faltiger mensch erkennē. Darüb müst vns auch gescheen  
wie den altē juden/vmb das sie menschē ertichte gesetz/  
vn̄ ordnung/ dem götlichē gesetz vn̄ gepoten fürschübē/  
vn̄ mit allem fleiß vn̄ kosten darob hieltē/das sie vō got  
geplagt/verplent/vn̄ verstockt/in jren sinnen/zum letzte  
am creutz den son gotis ermort haben. Lis hirtumb das  
Esai. 29. xxix. Esaiē/vn̄ das. xv. Mathei. Also seind wir christē  
tumb vnd vn̄sinnig/ lassent das offenbarlich lebendige  
wort gotis fallen/vnd nemen vns für/hailige dinge/ auß  
ertichtem betrug der pfaffen vn̄ münchen/vnd thun leib  
vn̄ gut wee/ solchs zu erhalten. Darumb ist auch auffges-  
habt

habt grundtlicher christenlicher verstant des lebendige  
wort gotis/pey den Bischoffē/kaisern/königē/Fürstē  
auch dem gemainen volck/vñ laufft ein i der sein aigen  
wegt/vñd sein ertichte andacht/ist sein christenlicher  
stetter glaub/vñd verlast sich ein i der auff sein patron/  
vñd hailgthum/damit die gantz welt in bosheit vñ pū  
berēy verstockt/vñ teuflisch erhertet ist/vñ muß Chri  
tus vō newem an gecrentzigt werdē/das ist sein heiligs  
götlichs wort/in warem grundlichem verstant wil nys  
mants meer hörē/es darffs auch nymāts meer offentlich  
leren/vñ muß vō nöten also sein. Dan so die rechtfertigs  
kait/vñ ledigung vō sunden/allain auß gotis parmher  
tzigkeit her fleust/die vns gar abgeschlagē/so wir hert  
vñd vñmilt in der not vñsers nechsten gefunden werden/  
so hat auch gott kainn tail an vns/der glaub ist auch  
dahin/vñ dan so geen wir vō einer bosheit in die ander.  
Das erscheint an allē orten/vñd enden der christenheit.  
Sich nür an du fromer christ/die großmechtigen fursten  
vñd lantsherrren/das jr einer zwei/drey/tausent güldē/  
ja viel ein merers/ auß heilgthum zū eren verschwent  
sal/vñd solte er die armen/seine vnderthanē in ein jers  
lichen tzins/geschos/ader steuer/begnadē/so kundt er nür  
meer ein konig/ader ein furst sein. Der arm mā muß bes  
tzalen/vñd solt er/vñd sein weib/vñ kind hūnger vñ not  
leidē. Ja das menig arm swanger weib der frucht vñtir  
jrem hertze entsetzt wirt/so der arm arbeiter durch vñ  
gewechß/vñ andern vnfall nür betzalung thun mag/dar  
vmb gestockt/gepflockt/vñ geangstiget wirt/das ohn  
zweifel inn hymel vmb rach schreyet. Es wirt auch freis  
lich das selb rach nür lang ausbleiben/den got wirts nür  
lenger mögen erleiden.

Aber die grossen hansen gedencen solchs nür/es  
geet sie gottis wort vñd gepott nichts an/habent gleich  
genüg/wen sie die erschunden reichthum/ auß jren armen  
vñd erth an/nach radt der münchen vñ pfaffen/die jren  
pauch auch darob fullē/zūm tail ans hailgthum/götze/  
vñ pūppen werck geben/so müssen sie den gen hymel vñ  
solt sie der teufl hin auff tragen.

Des gleichē sechstu an den reichē kauftenten/die vns  
ersätlich vber all judē wuchern/vñ mit falschem kauft/  
vñ verkauff/dē gemain nutz gar zū reißen/aber nit dest  
weniger/seint sie hailig from leut/wā sie vō dem schant-  
lichen pōsen güt auß hailgthum vñnd poppen werck die  
reiche handreichung thun/vñ so farent sie auch/wie in  
vō den pfaffen vñ münchen versprochen wirt/gen hyn-  
mel dz sie herwider prellen. Und also folgē die obgemel-  
ten stet hernach/vñ ire gleichen/pleibt auch nit auß das  
arm gemain verfür volck/vñd mūs Christus mit sein  
gepott hinter der thur stehen/aber menschen ticht vñnd  
aigen sunigkait/iren vorgangt haben.

Es hilfft auch nichts das gesagt möcht werdenn/wie  
nebē der getzir vñ eer des hailtums viel schöner/gross  
ser almüsen verordnet seint/den armen leuten zū vnters  
haltung vñd trost/mag damit nit entschuldiget werden/  
dan die selben almüsen allesam seint nit zū achten gegē  
dem grossen misprauch bey dem hailthum/vñ ob gleich  
wol etlich stet jr armen getrewlich vnterhieltē/so habēt  
sy doch in d nachpurschafft wol vrsach der parmbertz-  
gen hilff do d selb vberfluß des hailgthums hingehort.

Das aber gotis gepott vñ prüderliche lieb verachtet  
pleib/vñ das poppen werck mit seiner abgotterey bestehe  
so hat d Antechrist zū Rom/vñ seine junger dy pischoff  
jr abloß vñ gnad darzū verordnet/da mit der jarmarckt  
gantz sey/vñ die armen einfaltigen leut/jr gelts loß wer-  
den/auch ploß an waren glauben vñd hoffnung von des  
papsts hailigkait zū verdammüg jr selen/in der gleichē  
jrrung befestiget vñ gesterckt pleyben.

Zum viertenn ist in der jrrung wol zū bewainen/das  
warer glaub so gar in der christenheit verschwündē ist/  
vñ hie erscheinen mūs dz das leben in vns nit ist/dieweil  
man den todtē vnentpintlichē dingen an alle geschriffte  
vñ christenlichenn gründt so grosseer vñnd auffmercküg  
zū stellet. Der christenlich lebēdig glaub/gibt nichts zū

dem christen zu wircken/thun/ader zu lassen, das vnges  
wis vñ zweiffelhafftig ist/obs mēschē hail darin gfürdt  
sey/dā alle christenliche gothafftige werck müßent mit  
gewisser erkantnis im glaubē bestheē/ wie dā der glaub **Luce. x.**  
in dem lebendigen wort gotis/was zu thūn ader zu lassen  
not ist/offenbarlich anzaigt. Das zaigt auch vnser herr  
Christus an Luce am. x. do Martha dem herren Chris  
to fleißig leiplich dienstparfait zu beweisen geangstis  
get/denn herren ansprach mit irer Schwester Maria zu  
verschaffen/die do saß pey den füßen vnser herren/vñ  
hört sein götliche wort/das sie wer auffgestanden/vnd  
hert jr geholfen die eusserlich leiblich dienstparfait mit  
allem fleiß Christo beweisen/aber der herr Jesus gab dz  
nit zu/vnd wolt/Maria solt hören sein wort/in dem gotte  
am höchsten vñ allain geeret wirt/vñ sagt zu Martha.  
Ein ding ist genötig vnd das müß sein/das ist/was das  
götliche wort anzaigt zu thūn/dem müß man allain ges  
hörig sein/vñ was aufferhalb des fürgenōmen wirt/vñ  
ab es auch berurdē leib vnser herren Christi/hat kain  
ansehen pey got. Darüb die schlechte freundt gotis seint/  
die vermeinent das grab Christi zu erstreitenn/mit dem  
plut/dz got somenigfaltig in der geschriffte verpotē hat.  
Auch die dz selbig hailig grab haim suchen/seint darüb  
nit güt christen/vnd ob sie gleich piß an den jungsten tag  
im grab seßen. Es muß dz hertz des christenlichen men  
schens mit Christo sterben/vnd begraben werden von  
der sund/vnd aller pomp der welt/piß vntir die erd ges  
niedert/vnd ist not/das Christus mit sein heiligē leiden  
wie im auserlichen grab nach seiner wol gefelligen ruwe  
in vnser hertz gelegt werd/dz muß allain d. glaub wirckē  
vnd das irdisch grab zu Hierusalem.

Die weil nū ein ainiger pūchstab d. hailigen gotliche  
gschriffte nit gefunden wirt/dz hailgthum zu eren bedeüt  
lich/ist grundtlich abzunemen/wie aller pracht des hail  
gthumbs aufferhalb des glaubens/in dem er kain best  
ant hat/sundtlich vnd wider got ist/wie got durch Pau  
lun spricht zu den Römern am viertzehend. Alles das  
nit auß dem glauben ist/das ist sund.

Zum funfften/ geb ein iglicher fromer chriſtenlicher  
mensch sein warhafftigs vrteil/ dieweil wir kurtzlich  
vnüberwindlich anzeigt/ die hoffnung/ die lieb zu gottis  
gepot vn zu dem nechsten/ auch das liecht des lebendis  
gen glaubens/ in dem heilosen hailtums dienst verhin  
dert/ vn geprochen wirt/ obs nit ein vergiffte abgötterey  
geachtet vnd gehalten soll werden. Dieweil dach auch  
Augustinus vn die schulgelerten/ lerent vnd müssen zu  
geben/ das die war einig anpetung gotis stee im glaubē/  
lieb/ vn hoffnung allain zu got/ so muß ie all anders singē/  
sagen/ peten/ pfeiffē/ orgelē/ liechtpriennē/ vn der gleichē  
menschē ticht/ pfeiffisch vn münchisch funde/ der warē  
gottis anpetung vnd eren entkegen/ ein ware abgötterey  
erkant werden.

Zum sechste/ mag sich doch auch in menschlicher ers  
kantz das heilgthum zu preisen/ als ein erticht erlogen  
teuffelisch vorführung nit bedecken. Dan allen denen die  
hie mit dem übet seint gewesen gut wissen/ dz kein grüts  
lichs wissen ad sicherung vngeweiffelt angezeigt mag  
werden/ von kainē hailgthum der gantzen welt/ dā das  
mā priesen vn geschriffte glauben setzt die selber nichts  
eigentlich darvon gewußt habē/ vn sich die lägen offē  
parlich an allē endē/ erzäigent/ dz merck erstlich mit dē  
hailigē creutz/ des so vil teil pey allen kirchē angezeigt  
werdenn das so ainige warheit hie solt annemlich sein/  
wer es vō nothen so groß vn so lang gewesen mā möcht  
ein zinlichs hauß dar auß pawen.

Item dy beschneidung vnser herrē weist mā an zwei  
en ader dreienenden/ ist lesterlich zu gedencken/ das vō  
dem klainē wintzigen kindlin Jesu/ seiner gelidlin/ vmb  
vnsern willen an sich genōmē/ so viel vberflüssigs abge  
schnitten sey/ vnd Christus zu dem vnsterblichen leben  
aufferstanden seiner leiblicher gelider vnd plütes etwas  
hie in dieser werlt hett mögen lassen.

Jem pey vnseglich viel kirchen weist mā vnser frauē  
milch/ das schmeelich der jungfrauen Marien zu gelegt  
wirt/ dan es ist kain kúe in schweitz/ wen du hörst sage  
das jr milch so weit außgetailt wer / du sprichst vnges

weifflet es wer erlogen.

Item mā zaigt sant Jacob zū Compastel an/auch zū  
Telos. Sant Marcus ligt zū Venedig gantz leiphafftig/  
auch gantz leiphafftig in der Reichenaw in dem poden  
sehe. Sant Matthias zaigt mā zū Rom zū sant Maria  
maior/vnd zū Trier in sant Mathias floster/do ligt er  
auch gantz leiphafftig.

Item zū Rom zūm hailigē Creutz/zaigt mā der gross  
sen negel ainen/do mit der herz Christus ans creutz ge  
nalet wart/zū Trier auch ainen/auch zū Cöllen/vñ die  
vō Thürnberg haben jr nür drey.

Item sant Barbarē haupt wirt gätz gezaigt an dreie  
Item wā sant Sebastia so groß wer gewesen/ (endē.  
als der groß Sygenant ader der groste Reck/der ie in die  
welt kam/somocht er die pain alle in seinem leib nit er  
halten/die in seinem namen gezaigt werden.

Und wen sant Antonius part als tzöttet wer/als einn  
Dollandisch sehaff/ so wer sein doch vil meer das mā  
in kirchen waiset.

Item wie müsten die hosen  
sant Josephs so lang vnd weit sein gewesen/das die fleck  
keln alle dor vō werent kömen/die mā in dē kirchē auß

Und ander vnzalbor vn aussprechlicher (schreier.  
offner lügen befundē sich im hailgtumbs handlūg/ wie  
müst nūn ainer so geschickt sein/der der gleichenn vn  
möglich fablen concordiren möcht/ aber es nympt alles  
sein krafft vñ bestetigūg/wen der hailig vater d̄ Paps  
vñ dy andechtigen pischoff hiruber prüff lassent außgeē/  
denen müß mā glauben/wen sie sagen wasser sey feur/vñ  
feur/ sey wasser/vñ gleich wie jr ligē war müß sein/ also  
müß auch jr warheit erlogen sein/ dann sie machen das  
böß güt/vñ das güt böß/ setzen die finsterniß das liecht/  
vnd das liecht die finsterniß/vñ machens gleich mit dē  
gemainen volck wie sie wollen/darumb sie auch vō got **Esaiē. 5.**  
verflucht seint/wie geschribē stet Esaiē am funfften.

Zūm sibenden vnd zūm letzten/müssen wir auch vers  
antwortē dy gschrift am anfang d̄ patriarchē begrafft  
halber/vnd Josephs gepains/angezeigt/zū des hailg  
thums irūng nit lassen getzogen werden.

B ij

Erstlich ist war das die hailigen altuetter jr algem  
grebt haben gehabt/ auch einer den andern mit leydlich  
vnd getrewlich begraben/ vnd hirin gottis gesetz volns  
streckt/das d̄ leib vnder die erdē fem/Aber ainigen ges  
praecht mit der todten verlassnen leib/vnd gepain anzus  
beten/getziren ader zu eren/wirt nichtis gelesenn/volgt  
auch nit auß angetzaigten schriftē. Dan das Niniis sein  
nes vaters grebt/vnnd das pilot in seinem namen auff  
gericht/ließ eren vñ anbeten/ist her kōmen wie die hist  
orien sagē alle abgötterey. hirwider ist dz gantz gesetz  
Mosi/vnnd aller ppheten leer. Der herr Christus auch  
merckt hirin als wider sein götlichs wolgefalle dy priester  
ter vnd phariseer/dy zu jren zeiten anhubent der pphetē  
greber tziren vñ malē/wie du lese magst Mat. am. xxiij.

Das aber Joseph der hailig patriarch befalh seinen  
prüdern/das im außgang vñ Aegypten sein gebain auch  
ins globt land solt gefürt werdē/ist nit ein bestenig d̄ ob  
angezaigtē irrüg/vñ möcht ein jden leichtigleich zu er  
kennen sein/was dis in verbedeutung angezaigt hat/dz  
Joseph seyn gepain hinder denn kindern von Israel nit  
wolt lassen/dann zu gleicher weis als der außgang auß  
Aegypten in dz gelobt landt betzaichnet den seligen auß  
gang von der sundtlichen gefencknis des alten Adams/  
durch die erlösung vnser herren Christi Jesu/vnd den  
eingang in die ewig saligkait vns in Christo gelobt vnd  
versprochen/vñ so der gantz mensch durch Christū ge  
saliget wirt/so muß der leib mit allen gelidern auch dor  
hin/vñ das hat der hailig patriarch Joseph/als ein ers  
leuchteter im glauben gehofft/vñ für gesehen vñ wolt dz  
sein gebain auß Egiptē in dz gelobt landt gefürt wurd.


Ob aber imants hir an nit genüg wolt habenn/ als ob  
differ sum der geschriift in zu viel gaislich gedüncken  
wolt/so ist d̄ text offenbar/vnnd nach seinem verstande  
anzaigen nit anders/dan das Joseph begert entlich der  
begrebt seiner eltern/das er den gleich nach seinē sterbē  
nit verordnen kunt/angesehen das er regirender herr in  
Aegypten was/mußt er auch in Aegypten landt/anfeng  
lich begraben werden/do aber sein gütath an dem gaa


tyen Königlich Aegypten vergessen/vnd sein geschlecht  
so jemerlich durch achtet/vñ verfolgt/got der almecht  
tig sie mit leib vñ güt in gewaltiger handt auß Aegyptē  
füret/befalß Joseph sein gepain mit zu führen/volgt auß  
dießem allein nit das mitgolt/silber/edelgestain/pracht  
licher eer/vñ anpetē gehalten solt werdē/ du woltest dā  
auß diesem lautern vñ clarē text liegē/nach dein gfallē.  
Das aber Hieronimus hoch auff ploßt/vñ das hailgüm  
vñ hailigē stet/fast lobt/vñ die war christenlich götlich  
leer last ansteen/auch vigilantium der hirin christenlich  
geschriebē hat/einē ketzer schilt/vñ dy hellisch Römisch  
Kirch das selb wieten vñ toben Hieronimi besteth/laß ich  
mit and erem alter weiber dant hingehen. Dan wer sein  
zwo epistel conora vigilantium anschawett/der mag  
mit hendē vñ flissen ergreiffē/das Hieronimus auß Kais  
nem grundt der geschriff/ wie einē christenlichen lerer  
zu steet/hie nit geschriebē hat/aber ein vnutz geschwetz/  
auff gericht/dē alle klaffer vñ schwetzer hie auch nach  
folgen. Das laß dich nit irren/hab im der papst mit sei  
nem anhang Hieronimū/wir wollen Christo vñ seinem  
götlichen wort gehörig sein/vñ den waren/rechtē/christ  
tenlichen glauben lieb vñ hoffning in des hailtums hä  
del nit schwetzen/vñ das gewiß/sicher vnd genötig ist/  
mit gantzen begirden vben/wir glauben nit in Hieronis  
mūm/aber in vnsern hern Jesum Christum/es ist auch  
für vns Hieronimus nit gestorben/aber allain Christus  
der son gotis. Darumb müssen wir die stim Christi hörē  
vnd nit Hieronimi/ader kaines menschenges  
schriff nit grundtlich infürt.


Wem nūn meer geliebt der greiff mein schreibē an/er  
schawe aber vmb andere weer/den menschen nicht/vnd  
menschē leer/er wirt mich sunst nit schreckē/vñ als ich  
got vertrew wirt er mit klainē sig ab dē plā gefertiget.  
hie mit wil ich beschloffen habē auff das mal/pis ich  
weiter geirsacht wird in diesem fal/die eer gotis allain  
bedacht/einen lengern tractat an tag zu pringen. Sag  
also im beschluß vnsern hern Christo lob/eer/vñ dancf.  
Geschribē zu Eisenach in Doringē/am palmtag im. 23.  
D. Ja. Strauß.



Faint, illegible text, likely bleed-through from the reverse side of the page.









Th  
5975